

## Kriterie frifondmidlar Norges Fjordhestlag

*Retningslinjene for bruk av frifondmidlar vart vedteke i styret i Norges Fjordhestlag 27.03.2017  
og sist oppdatert av styret 20.06.2024*

### **1. Frifond**

Frifond er ei stønadsordning oppretta av Stortinget for å betre rammevilkåra for kulturarbeid for barn og unge. Lokallag tilknytta Norges Fjordhestlag kan søkje om driftsstilskot og prosjekttilstskot til aktivitet for born og unge. I tillegg kan nyoppstarta lag søkje om støtte.

### **2. Formål for bruk av frifondmidlar i lokallaga tilknytta NFL**

Norges Fjordhestlag har i 2016 skipa Barnas Fjordhestlag. Formålet er at Norges Fjordhestlag gjennom Barnas Fjordhestlag skal skape tilbod og aktivitet for born der dei møter fjordhesten i trygge omgjevnader.

Norges Fjordhestlag ønskjer å støtte og stimulere til aktivitetar og arrangement i lokallaga for sine ungdomsmedlemar under fylte 26 år og til medlemar i Barnas Fjordhestlag. Tildeling av midlar er etter Frifond sine retningslinjer.

Lokallaga som får tildelt frifondmidlar har ikkje høve til å tene pengar på aktiviteten med barn/ungdom og hest.

Av midlane kan Norges Fjordhestlag nytte 5% til administrasjon. Den resterande delen av frifondmidlar skal kanaliserast direkte ut til lokallaga over heile landet, og midlane skal gå til aktivitetar lokalt.

### **3. Kven kan søkje om frifondmidlar gjennom Norges Fjordhestlag**

Lokallag som er tilknytt Norges Fjordhestlag og som oppfyller følgjande krav, kan søkje om frifondmidlar:

- Laget må ha gjennomført årsmøte for føregåande år
  - Laget må ha levert årsmelding og rekneskap til Norges Fjordhestlag for føregåande år, og innan søknadsfristen.
  - Laget må ha betalt kontingent til NFL for søkeradsåret.
  - Laget må ha minimum 5 tellande medlemmer under 26 år i Norges Fjordhestlag eller Barnas Fjordhestlag. Merk at det er betalande medlemmer i landslaget med adresse i gjeldande region som er tellande, og ikkje medleamar på lokallaget si eigen medlemsliste.
- Lokallag kan få informasjon om tal tellande medleamar tilsendt ved henvendelse på mail til: [post@fjordhest.no](mailto:post@fjordhest.no).

#### **4. Søknadsskjema og søknadsfrist**

Lokallaget søker NFL om midlar på eige skjema. Skjemaet finn du på [www.fjordhest.no](http://www.fjordhest.no)

Søknadsfristen er 1. September. Søknadsfristen vert kunngjort i bladet Fjordhesten og på nettsida [fjordhest.no](http://fjordhest.no).

#### **5. Fordeling av tilskot mellom søkerlag**

Norges Fjordhestlag har tre ordningar laga kan søkje om frifondmidlar til:

1. Driftsstøtte: Fast beløp på minimum kr 5.000 til lag som driv aktivt, og har tilbod om aktivitetar for barn og unge. Laget må sende rapport på tiltaket i etterkant. Sjå eige skjema. Laget må ellers tilfredsstilla dei generelle krava under punkt 3 i retningslinjene.
2. Tilskot til prosjekt for barn og unge i laget. Med prosjekt er det meint alle aktivitetar eller arbeid som kan fremja arbeid med born og unge rundt fjordhesten. Døme kan vera arrangement som ridekurs, stellekurs, køyrekurs, knøttcup, minicup, feil og stil-konkurransar eller satsingsgruppe for born og unge mot fjordhest-NM og liknande. Lokallaget står fritt til å komme med gode idear. Laga må sende eigen søknad om prosjektilskot med kort prosjektskildring og budsjett. Laget kan berre søkje om tilskot til eitt prosjekt per år. Laget må sende rapport på tiltaket i etterkant. Sjå eige skjema.
3. Oppstartmidlar til nyetablerte lag. Dette er midlar som kan delast ut til nye lokallag.

Norges Fjordhestlag fordeler driftsstøtte likt mellom laga som har søkt om og er berettiget støtte. Prosjektmidlar tildelast etter søknad til landslaget og fordelast utifrå tilgjengelige midlar det aktuelle året.

#### **6. Søknadsbehandling**

Laga sender søknad om frifondtilskot til NFL si e-postadresse [post@fjordhest.no](mailto:post@fjordhest.no).

Utbetalingsfristen av midlar frå landslaget til lokallaga skjer 15.desember.

Klage på tildeling av midlar gjerast skriftleg til styret i Norges Fjordhestlag. Klaga kan omhandle vedtak og sum. Klagefristen er 14 dagar etter kunngjering av tildelt tilskot..

#### **7. Bruk av tilskotet**

Lokallaga må bruke midlane innan 31.oktober i kalenderåret etter tilskotsåret. Lokallaga må sende rapport på at tildelte midlar frå året før er brukt opp, før nytt tilskot kan utbetalast. Rapporten må sendast NFL innan 15.november. Dersom lokallaget ikkje har brukt midlane i løpet av denne perioden, må NFL varslast om dette, og midlane betalast tilbake. Dersom

laget ikkje brukar midlane til lokal aktivitet for barn og unge, kan NFL krevje midlane tilbakebetalt.

#### **8. Rapportering på tildelt tilskot**

Alle lokallag skal sende årsmelding og rekneskap til Norges Fjordhestlag. Dei som ikkje har gjort dette får ikkje utbetalt tilskot sidan dette vert brukt som dokumentasjon.

Alle lag som har fått tilskot må sende inn rapportskjema innan 15.november same år som pengane er brukt.